



# Khutba Jummah

HAZRAT MUHYI-UD-DIN AL-KHALIFATULLAH

*Munir Ahmad Azim*

22 Avril 2016 ~  
(14 Rajab 1437 Hijri)

(Résumé Khutba)

*Après ki li fine salué tous so bane disciples (et tous bane musulmans) entier le monde avec la salutation de paix dans l'Islam, Hazrat Muhyi-ud-Din (atba) fine lire Tashahhud, Ta'uz, Surah Al Fatiha, et li fine ensuite axé so Khutba Jummah lors « **Travail Pour La Paix Mondiale** »:*

## TRAVAILLE POUR LA PAIX MONDIALE

وَلَا تُفْسِدُوا فِي الْأَرْضِ بَعْدَ إِصْلَاحِهَا وَادْعُوهُ خَوْفًا وَطَمَعًا ۗ إِنَّ رَحْمَتَ اللَّهِ قَرِيبٌ مِّنَ الْمُحْسِنِينَ ﴿٥٧﴾

Wa laa tufsiduu fil-'ardi ba'-da 'is-laahihaa wad-'uhuu khawfaww-wa tama-'aa: 'inna Rahmatallaahi qariibum-minal Muhsiniin.

**Pas faire dégâts lors la terre, ki Allah fine mette en ordre, mais faire appel à Li avec frayeur et l'espoir. Pardon Allah toujours proche pou bane ki faire du bien.** (Al-Arraf 7: 57)

وَإِذَا قِيلَ لَهُمْ لَا تُفْسِدُوا فِي الْأَرْضِ قَالُوا إِنَّمَا نَحْنُ مُصْلِحُونَ ﴿١٢﴾

Wa 'izaa qiila lahum laa tufsiduu fil-'ardi' qaaluuu 'in-namaa nahnu mus-lihuun.

**Kan dire zot : « Pas faire désordre lor la terre », zot réponne: « Nous oulé au contraire mette l'ordre! »** (2: 12).

Li népli ene secret pour personne ki dans sa l'époque moderne de la science et de la technologie, l'homme ena la capacité pou détruire sa la terre là plusieurs fois. Si l'humanité oulé évite sa catastrophe là, alors li pou capave faire li seulement si li adopté bane l'enseignements Islamiques ki basé lor le concept d'ene la paix universelle ki durable. En fait, la religion de l'Islam li seule la foi (la religion) ki fine condamne sévèrement tous bane activités ki de nature pou troublé la paix. À partir de bane versets Quran Shareef ki mo fine récité au début, li clair ki l'Islam accorde ene grande l'importance lor le maintien de la paix et

dézapprouve tous bane actes ki capave alle perturbe sa la paix là, que ce soit dans bane domaines domestiques, nationales ou internationales. Saki extraordinaire au sujet de bane l'enseignements Islamiques c'est ki zot applicable pour tous les temps lor ene base universelle. Sa confirme le fait ki le Saint Prophète de l'Islam fine élevé comme ene miséricorde pour toute l'humanité. Allah le Tout-Puissant dire dans Quran Shareef:

**Nous fine envoie toi (le Prophète) comme ene faveur pou tout l'univers.** (Al-Anbiya 21: 108).

**Nous fine envoie toi (le Prophète) à toute l'humanité, pou annonce bon nouvelle, et pou averti dimoune, mais la plupart dimoune pas compran.** (Saba 34: 29).

Astaire anou guette quelques-z'uns de bane causes ki perturbe la paix dans le monde aujourd'hui et bane solutions ki l'Islam fine mette à nous disposition. Li pou peut-être préférable ki mo commence avec nationalisme et racisme avant ki mo explique bane les z'autres sujets pertinan tel ki l'exploitation, la cupidité (c'est-à-dire, gourmandize, soif pou gagne plisse), l'hypocrisie, la lutte de bane classes (sociales), bane relations internationales et bane traités.

**Nationalisme et Racisme:** L'unité politique dans le monde moderne c'est l'État-nation. Le problème c'est ki nous bizin conné couma ene tel l'état bizin être défini et ki le caractère de so bane relations avec bane les autres l'états? Quoi qu'il en soit, le nationalisme fine vine ene la foi tellement complexe et fort ki c'est en so nom ki beaucoup de bane dimounes fine morts et fine aussi conquérir. Sa fine vine plisse ene malédiction ki ene bénédiction. L'Islam pas reconnaite ni le nationalisme, ni racisme et considère la justice et la droiture comme le fondement de l'ordre mondial. L'Islam considère l'ensemble de la race humaine couma ene famille. La division de bane tribus, nations et races li uniquement destiné pou donne à bane dimounes ene meilleure connaissance des z'uns des z'autres afin ki zot capave bénéficier de bane caractéristiques nationales et de bane bons qualités ki trouve dans sakaine d'entres zot.

Bane nations supérieures ki née de l'arrogance raciale ou de la vanité nationale zot à la fois fausses et idiots. Concernant sa, le Quran Shareef dire:

**Ô bane dimounes ! Nous fine créé ou d'ene mâle et d'ene femelle, et Nous fine faire de ou bane nations et bane tribus, afin ki ou faire connaissance entre ou ; et le plus noble parmi ou dans lizié Allah, c'est celui ki suive plus près So chemin droite. Allah conne tout et Li bien informé.** (Al-Hujurat 49: 14).

**Ô bane croyants, pas laisse ene groupe moque d'ene l'autre. C'est possible ki sanlà meilleur ki premier groupe là ; et pas laisse bane femmes moque d'autres femmes. C'est possible ki second groupe là meilleur ki premier groupe là. Pas diffamer entre ou, et pas lance l'un à l'autre bane sobriqué (mauvais noms). Couma mauvais ene nom vicié à kikaine ki déjà ena la foi ! Bane ki pas repentir, c'est zot ki bane vrai malfaiteurs.** (Al-Hujurat 49: 12).

Sak peuple ou nation ki agir contrairement à sa bane l'enseignements sublimes là en proclamant et en imposant la supériorité de so culture lor saki pou bane les z'autres alors zot prend ene risque dans faire sa, et sa risque là c'est la guerre ki capave arriver si sa bane les autres pays là zot commence riposter.

Le mal ki accompagne l'exploitation économique d'ene nation plus faible par ene ki pli fort c'est la cupidité (gourmandize, soif pou gagne plisse). L'Islam li donc contre sa bane exploitations de partage naturel ki pas fondé lor ene partage équitable et mutuel de bane ressources. Ene telle conduite li sûr pou fini par la suite dans troubler la paix. Allah le Tout-Puissant et le Très-Sage dire dans le Quran Shareef:

**Pas tire lizié lor saki Nous fine accorde ene partie parmi zot, comme décor sa la vie lor la terre là, pou jouir, parski Nous tester zot avec sa. C'est provision ki Allah (to Maître) donner ki meilleur et plus durer.** (TaHa 20: 132).

**Pas convoite (Pas jaloux ou tire lizié lor) saki Allah fine donne ene plisse ki ene l'autre.** (An-Nisa 4: 33).

Sans aucaine doute ene cause fondamentale de bane la guerres c'est l'avarice. Pas pou capave ena ene la paix durable dans le monde tanque ki bane nations ki pli forts rode exploite bane saki pli faibles ou ki zot saizi zot de bane dibiens de bane les autres. Par exemple, la Société de bane Nations ki ti créé après la Première Guerre mondiale ti échoué (fail) dans ene façon lamentable parski au lieu ki li concentrer lor mette ene fin à tous bane la guerres, so bane membres ti rode saizi zot de bane dibiens de bane les autres. De ce fait, le but de la Première Guerre mondiale, ki ti ena lieu pou mette fin à tous bane la guerres, pas fine fonctionné.

Ene de bane plus grands problèmes sociales de sa l'époque là ki pé troubler la paix c'est la lutte de bane classes (sociales) ki so principale cause c'est la pauvreté ou l'indulgence (c'est-à-dire, la richesse et bane laissez-aller, bane dépenses et désires inutiles). Islam fine prévoir et aborde sa problème là en mettant l'accent lor le bien-être de la communauté dans so l'ensemble. L'Islam li premier la religion pou manifester l'idée d'ene l'État-providence (*Welfare State*). Islam dans ene façon très sage fine concevoir ene système par lequel la richesse pas capave accumuler dans la mains de quelques dimounes ou groupes seulement. Li fine essaye maintenir ene l'équilibre entre bane riches et bane pauvres en demandant à bane riches pou accepter pou sépare zot de certains de zot bane richesses afin pou permettre l'élévation de bane pauvres à travers l'institution de l'aumône ou taxe obligatoire, ki appelle « *Zakaat* ».

Mo fine fini mentionné couma l'Islam rode abolir l'esprit de nationalisme agressif et racisme en insistant lor l'unité fondamentale de l'humanité et l'Islam accompli sa en dénonçant la discrimination de race et couleur ki exister et en associant l'excellence et la supériorité avec servir l'humanité dans ene grand façon ki exemplaire. Kan bane nations ou tribus ti pé la guerre

entre zot, le résultat ti habituellement le massacre de bane dimounes ki en bonne santé physique, l'esclavage de bane innocents et piyaaze de bane ki fine vaincu dans sa bane la guerre là. Le caractère sacré de bane traités ou bane libertés (ou droits) de bane les autres nations, sa pas ti ene tracas pou celui ki ti pé conquérir (ou gagne le dessus lor) sa bane nations ou tribus là. Mais selman l'islam li fine depuis le début reconnaître l'importance de la promotion de la paix, la liberté de conscience et la promotion du bien-être humain. L'islam prescrire ene l'association de bane l'États forts pour la réalisation de sa bane l'objectifs là. Li fine mette l'emphase ki sa bane l'États là faudé pas, sous prétextes de bane traités, essaye pou exploite bane nations ki pli faibles, ou faire bane la guerres de conquêtes. Quran Shareef dire:

**Complète contrat ki ou fine faire avec Allah, et pas alle contre ou serments après ki ou fine confirme zot, et après ki ou fine prend Allah comme ou garant. (Pas oublier ki) Allah conne tout saki ou faire. Pas faire couma sa femme ki, après ki li fine file ene la corde solide, casse li par brin. Ou servi ou serments couma ene moyen pou trompe dimounes et faire ene communauté vine plus nombreux (et plus riche) ki ene l'autre. Allah tester ou et Li pou éclairci tout lor ki ou pas d'accord, le Jour du Jugement. (An-Nahl 16: 92-93).**

**Pas approche avec du bien d'ene orphelin, excepté dans façon ki pli honnête ki possible, ziska ki li arrive à so maturité. Complète ou engagement, parski bizin rende compte pou tout engagement (ki ou prend). (Bani Israïl 17: 35).**

Donc, mo faire *duah* ki Allah (swt) guide nous tous dans le droit chemin et permette nous pou mettre en pratique tous So bane l'enseignements dans ene façon convenable. *Insha-Allah, Ameen.*